



# ARUBA ANSE COURANT

GEBRUIK  
DAGELUKS  
Domo Powder Milk  
Agente:  
VELD STORES

Dagblad



voor Aruba

FRESH UP  
WITH  
7 - UP  
Agents:  
Veld Stores



9DE JAARGANG

MAANDAG 3 FEBRUARI 1958

No. 3050

## S.A.R. Princesa Beatrix A Hanja un Bonbini Caluroso Na Corsow

Gentio enorme tabata saluda e Princesa na tur parti

(Di nos Corresponsal na Willemstad)

Ayera tardi for di un or tabata masha anima na Dr. Plesmanvliet na Corsow na unda un gentio enorme tabata busca un bon lugar pa nan por hanja mira S.A.R. Princesa Beatrix na su yegada. Pa 4.02 p.m. e DC6 di KLM Margriet a ateriza na di Paramaribo caminda ela bai busca princesa. E avionnan di Marina a baj contra Prinses Beatrix pa dune e prome bienvenida na Antillas Neerlandes.

Cu un sonrisa simpatica y calmo Prinses Beatrix a baha for di avion na pisa terra Antillana pa di prome biaha y e kapel di maritieman a en- tona Wilhelmus.

Esta lief, esta bunita Prinses tabatin un bonmantel shi- shi cu sombre, tas, handschoen y sapato color berde, y su presen- cia mesora a acapara curazon di e cur- tidad di hende presente cu tabata bi- sa: esta lief, esta bunita!

S.E. Gobernador Spekenbrink a duna e Princesa bonbini y despues ela presente na Premier Jonckheer, Ge- zaghebber Gorsira y Commandant di Zeemacht N.A. commandeur H. A. W. Goosen.

E commandant di forzanan arma Kapt. Lt. ter Zee P.J.S. de Jong a a- compaña e Princesa ora cu ela inspec- ciona e guardia di honor di maritiem- an. Gobernador Spekenbrink y Pre- mier Jonckheer a corre conoci cu e comision di recepcion consistiendo di Sres. R. J. Isa, president di Staten, F. D. van Grieken, griffier di Staten, Mr. S. W. van der Meer, Mr. F. P. de Vries, Dr. Ch. de la Try Ellis, Mr. P. L. de Haseth, O. R. A. Beaujeu, Mr. P. G. Hooghoudt y S. A. L. Maduro decano di Cuerpo Consular. Prome cu esei e mucha muher di ocho anja Ma- rita Manuela a entrega un bouquet di flor na Prinses kende a ricibie cu un atractiva sonrisa y a duna e hoben- cita un man pa yamele danki. Despues prome cu e grupo sali for di e Stations- gebouw. Prinses Beatrix a pasa mei- mei di dos careda di padvindster y padvindsterman y djei e combito a dren-

ta e autonan bai Willemstad.

E muchanan ta leuk Durante di henter e trayecto taba- tin masha tanto hende para na tur parti ta saludando entusiastamente e princesa.

S.A.R. Prinses Beatrix tabata acom- panja pa Gouverneur Spekenbrink den un convertible color chamois. De- bes en cuendo e Prinses tabata bisa: esta aardi, e muchanan ta leuk!

Ora cu e autonan a pasa door di e porta di Fort Amsterdam Prinses Bea- trix a worde saluda door di Sra. Spekenbrink, Sra. B. S. Jonckheer y Sra. Gorsira. Hunto cu nan tabata

tambe e acompañantenan di e Prin- cesa cu a bini for di Hulanda Jhr. C.E.B. Roelly Sra. Mr. M. Meurs.

E bapor di KNSM „Prins der Ne- derlanden „cu tabata den haaf taba- ta pitando pa saluda e Princesa na momento cu e tabata drentando Fort Amsterdam.

Tabatin un cantidad masha grandi di hende dilanti di Gouvernements paleis ta saludando freneticamente ora cu e Prinses a presenta y hario do e tabata cuminda e hendenan. Despues cu ela bai paden e entusiasmo a si- guí asina grandi cu e Princesa mies- ter a presenta pa di dos biaha.



Un saludo cariñoso di S.A.R. Prinses Beatrix na su yegada na Gouvernements paleis.

### AVP ta protesta contra P. Croes den comite di recepcion

ORANJESTAD. — Diasabra directi- va di Arubaanse Volkspartij a manda e siguiente telegram pa S. E. Gouverneur Spekenbrink:

„Arubaanse Volkspartij ta trece res- petuosamente na conocimiento di Su Ex- celencia cu Sr. Porfirio Croes kende su caso dilanti di hustishi ta pendiente ta den e comision di recepcion di Su Alte- za Real Prinses Beatrix stop Poblacion Arubiano ta hondamente conmove. Aru- baanse Volkspartij“.

### RESULTADO DI MATCH- NAN DI FUTBOL

ORANJESTAD. — E match di futbol Diasabra atardi entre POVA y e vicionan di Mercurius a termina indeciso cu score di 2-2. E plan- nian grandioso di polisnap a para na nada. Mercurius a haci mihor y Dia- sabra den Wilhelmina Stadion nan a gana e wegá contra di un team di e bapor di guerra Ingles „Dainty“ cu score di 4-2.

### TUR DIADOMINGO: AGENDA CULTURAL DI ROBERT HENRIQUEZ

ORANJESTAD. — Voz di Aruba a hanja un programa nobo cu ta „A- genda Cultural“ na encargo di Ro- bert Henriquez kende ya ta conoci pa „Music di Oro“. E Agenda Cultural aki por worde scucha tur Diadomingo atardi di mitar di cinco te kwarto pasa di cinco.

### NO TABATIN SILENCIO

ORANJESTAD. — Nos a tende di parti di polis cu Diasabra seis or di atardi na ciudad tabatin mes tanto boro cu custumbra. E accion di Par- tido Liberal Antillano pa tene dos minuut di silencio como protesta con- tra cierto medidanan di autoridadnan, por lo tanto parece no tabatin resul- tado.

### „TUREBY“ A LOS CU SU MES FORZA

ORANJESTAD. — Haciendo uso di subida di laman y e marejada fuer- te Diasabra mainta na oostkust, e ca- pitán di e bapor cu tabla abordo „Tureby“ cu a pega dilanti di haaf, a logra Diasabra mainta pa banda di mitar di dieson or di los e bapor foi dje rif pa su mes forza. Awor e ba- por ta den haaf y awe nan ta cuminda descarga e cargamento di tabla pa Lago.

### CASHI DI CUSHINA TEXAS FURNITURE STORE

Emmstraat 5 - Tel. 1082 - 1083

### UNDA FILMTRUCK LO BAI E SIMAN AKI?

ORANJESTAD. — E filmtruck di Stichting pa Combat Mal Uso di Al- cohol na Aruba e siman aki lo duna presentacion na e lugarnan siguiente: Diahana na Noord, pleentchi warda di polis.

Diazon na Calabas. Diabierna na Tark Leendert, ter-reno di Jeugdcentrum.

Tur e presentacionnan aki lo tuma lugar pa 7.30 p.m. y lo dura como 1 ora.

### Reina di Carnaval di Trappers



Nicomede Almarj Diasabra a worde elegi Reina di Carnaval di Trappers. Cu esei e ta di dos cu a presta di carga e corona dos anja consecutivo. Anja ulti- mo e tabata Reina di Carnaval di Rio Club. Aura Leonardo tabata e prome kende a presta e mecos: na 1956 e ta- bata Reina di Carnaval di Douane Sportvereniging y na 1957 di Bonaire Club.

### CORONACION DEN ARUBA SOCIAL CLUB



E bista aki ta marca e momento di coronacion Diasabra anochi di Reina di Carna- val di Aruba Social Club, Martina Diaz, loke a sosode door di su predecesora di 1957 Eugenia Tromp. Te na robes nos por mira Edilia Gonzalez e senjorita Colom- biana kende a hira runnerup y cu eei a hanja e titulo di „Reina Simpatia“.



Un gentio enorme tabata den eayanan ora e pri cesa tabata bai Willemstad.

## Diasabra Anochi Tur Club nan Na Aruba Ta a a Ce'e'kra Carnaval

Aruba Social Club, Lago Heights Club y Federation Club ya tin nan Reinanan corona

ORANJESTAD. — Diasabra anochi lo'n tabatin un club na unda no tabatin fiesta di carnaval. Na tur parti tabatin mu- zik, tur caminda tabatin baile y na tur parti tabatin e damanan cu tabata haci nan posibel pa ta nan ta e Reina di Carnaval di nan Club y pa aki discurter dia sinta riba un auto bunita dor- na nan por representa nan club den e optochtman di carnaval. Loke ta eleccion di e reina ya ayera den seis club a cai un deci- sion caba y e prome coronacion di un reina di Carnaval a tuma lugar Diasabra anochi den Aruba Social Club.

E seis reinanan cu ya a worde elegi ta: den Aruba Social Club Martina Diaz, Lago Heights Club Joan de A- breu, Federation Club Elma Canwood, Commandeurshaal Club Nicomede Almarj, Trappers Club Angelica Thiel y den Aruba Royal Club Matilda Boekhoudt.

Den Aruba Social Club Diasabra a- nochi tabatin un animacion enorme. Conjunto Rey de Copas, na e momen- to aki un di e tophandnan di Aruba, tabata ocupadísimo cu tocamento y ri- ba e vloer di baile casi no tabatin un lugar cu no tabata ocupa. Despues cu e shote candidatanan pa dijes cu e- presies a entrega nan votonan, conta- miento a cuminda tambe mesora y des- pues di un ora e comision di carnaval di e club por a anuncia cu Martina Diaz a sali electo. Prome Miss Vice- roy, Lidia Bislick, a tene un speech y despues Prins Carnaval di e club, John- ny van der Linden, ela bai bisca mei- mei di e cientos di hendenan cu taba- ta spera ansiosamente resultado di e eleccion, e Reina di Carnaval di Aru- ba Social Club 1958, Martina a han- ja un enorme aplauso ora cu Johnny a conducie hibe riba e toneel. E vo- tonan a sali asina: 1. Martina Diaz cu 11.690 votos, 2. Edilia Gonzalez cu 8.000, 3. Petronilla Ellis cu 3.440.

Conferencista di e anochi tabata Eddy Laaf, miembro di e comite di e club. Un otro figura remarcable Diasabra anochi tabata Joachim Giel kende ta e Pascho di Pos Chiquito. En cuanto e votacion tabatin visto dos partido: uno cu tabata confia sigur cu e bu- lita Colombiana Edilia Gonzalez lo a gana, y e otro grupo cu tambe tabata sigur cu lo ta e charming Martina ta- batin mas chens, ainda mas pasobra tabata conoci cu ela hanja un sponsor cu un portmonee yen. Con que sea, ora cu e resultado di e eleccion a worde anuncia, Edilia a demostra su mes masha sportief y por cierto ela bira Reina Simpatia di su Club, Petronilla Ellis a bira Miss Social Club.

E coronacion a tuma lugar un bes y a worde electa door di Eugenia Tromp kende tabata Reina di Carna- val 1957 di su Club, kende nos ta re- corda ainda cu su wowonan hario do den Stadion arja pasa a perde pa un margen masha eliki for di Rica A- reas, kende arja ultimo a bira Reina di Carnaval. Prome Eugenia a tene un speech simpatico elogiando tur e be- nan di su Club na Pos Chiquito y despues ela pone e corona riba ca- bes di Martina.

Lago Heights Club

Den Lago Heights Club Diasabra

Miss Labour



Elma Canwood ta e prome Miss Labour na Aruba. Don Federation Club Diasa- bira anochi ela worde escheli. Ayera nochi ela worde corona door di Prins Carnaval. Nos lo weide sign atrobe den e paradanan di Carnaval.

anochi Rutina Kok cu 1.450 Estrellas Rufina Kok a presenta- riba e patio intimo a media luz. Segun e borden na principio di 2 anochi Rutina Kok tabata cu 1.450 voto tabata dilanti cu direct su tras Joyce Voge a Joa de Abreu endu- na cu 1.300 votos. Ora cu despues di media nochi nan a bai conta e voto- nan a resulta cu Rutina a worde pasa door di Joan kende cu 6.606 votos a sali como number uno elegi y cu esi a bira Reina di Carnaval di su Club.

signi leza riba pag. 4



SO GOOD FOR GROWING CHILDREN...

Your children will not only benefit from drinking NIDO daily—they will enjoy it too.

Pure, safe NIDO keeps in tip-top condition right down to the last spoonful. NIDO'S creamy, fresh-milk flavour, will delight you. Use it with confidence for it's made by NESTLÉ. Ask your grocer for NIDO today.



NIDO  
FULL CREAM POWDERED MILK


DRINK MORE MILK — DRINK NIDO



Er is op de conferentie te Ankara voornemen om de aandacht te besteden aan de economische ontwikkeling van de lidstaten en hun sociale welzijn. Wij hebben ingezien, aldus Dulles, dat een al te grote militaire inspanning tot een economische toestand kan leiden, die de Communistische overname van de macht in de hand werkt.



## YA E BANDERANAN TA ONDEA



Na tur parti ya caba Sr. Kemmink a hiza e banderanan na ocasion di e proximo bishita di Princesa Beatrix na nos isla. E foto aki ta unistra Lagoen na Oranjestad weita for di Boulevard.



Aki nos por mira e president di ASU Sr. O. S. Henriquez durante di su discurso ayera tardi cu ela tene na apertura di ASU-Sportcentrum na Noord.

## Sportcentrum Noord ta digno di hopi y bon uso door di amantenan di deporte

SELECCION NORTERO A GANA RCA 5-2!!

(Di nos Sportreporter)

ORANJESTAD. — Cu gran ceremonia, den presencia di diferente autoridades, ayera tardi a tuma lugar e apertura oficial di e ASU Sportcentrum Noord. Varios orador a haci uso di palabra durante e ceremonia previo na e partido di futbol.

Interes di parti di e publico tabata enorme. Un gran cantidad tabata presente for di tempran buscando e nicho lugar posibel. Despues di e presidente di ASU Sr. Oscar Henriquez a dirigi palabra Sres. Petrona, Diputado di Enseñanza, Bert Teagle, Hefe di Relaciones Publicas di Lago, Frans Figaroa Presidente di Comision encargada cu curido di e Sport Centrum, y tambe como representante di Jong Aruba, Juan Kelly representando Tropical Sport Club, Tromp, representando Buhali, Ricca di Deporte Aida Jacobs y Pastoor Anink. Pastoor di

e distrito di Noord.

Despues a worde hunga e tan anhelado partido entre e campoonan di nos isla RCA y un seleccion forma door di hungadonan di e tres club di Noord, Tropical, Jong Aruba y Buhali. Esaki a bira un victoria pa e fuerte y rapido seleccion di Noord cu score di 5-2. Na half time e score tabata 3-0 na favor di Noord, y luego den e segundo mitad e la aumentacion de 5-0. Den e ultimo diez minutos RCA a logra anota dos bishita. Despues di e partido Sr. Oscar Henriquez, presidente di ASU a haci entrega di un copa na e capitán di e seleccion di Noord, felicitando nan y desandando cu nan lo sigui den e caminda di victoria y mas victoria. Den edicion di nianjan nos lo publica e detalles tocante e discursonan y e partido di futbol.

# PAGINA TRES

## Cu Novato Ramoncito Guerrero Den Box Nesbitt A Ripiti Victoria Riba Lucky Strike

(Di nos Sportreporter)

O'STAD. — Den Wilhelmstadion ayera mainta e novato naranhero di Nesbitt a ripiti su victoria di e promer round ariba Lucky Strike logrando un victoria di 9-3 cu e novato Ramoncito Guerrero den box. E hoben pitcher aki, jioe di e glorioso ex-pelotero Pantin Guerrero, a lanza un gran partido permitiendone unicamente cuatro pa tres carrera, carteranan cu por cierto a worde ano'a den un solo inning y cu por a worde evita.

Tabata un riesgo enorme di e novato di Nesbitt di pone un novato haciendone su debut den e clase aki contra di e temible novato cigarillero, actual puntero di e torneo. E hoben sinembargo a responde cu e confianza poni den dje y a lanza un gran wegá siendo ayuda pa algun bon fideo y bateo oportuno di su companjeronan.

Den su promer turno enfrentando e largo y tambe novato Agumero di Lucky Strike, e novato naranhero a anota dos bishita. Maiky Vos di regreso den line-up di Nesbitt tabata bise base por bola. Ariba un rolata di Zaandam, segunda base Maduro ta comete error loke ta pone dos na base. Jossyto Muryale ta conecta e promer incogible di e partido y enando e skinan. Luego cu Charles Ponson na bate, catcher Feki ta comete passball cu e promer lanzamiento di Agumero y Vos ta anota for di tercera. Juancito Sanchez ta worde yama for di bullpen pa manager Luis Swaen, kende no ke tuma mucho chens, pa releva Agumero.

Charles Ponson tambe ta ricibi pasage gratis y enando e basenan atrobe. Jack ta out number uno cu ponche. Rolling di Bardouille pa short ta bira segundo out, pero Zaandam a anota pa fielder's choice. Robert Ponson ta worde domina cu rolling pa pitcher cerrando e inning. Habriendo e segundo inning, Nesbitt ta aumenta su ventaja te 7-0 anotando cinco carrera mas. Schonfeldt ta embasa pa base por bola. Guerrero buscando e sacrificio ta yega safe na primera, ora cu catcher Paus Ruiz, kende a sustitui Caster cu a lesiona su pia den e promer inning y mester a bandona e partido, a busca e out na segunda pero a tira malo. Cu e error aki Schonfeldt ta yega te tercera y Guerrero te segunda. Maiky Vos ta rolata pa tercera y Schonfeldt ta worde cobij den corre corre entre tercera cu home resultando e promer out. E siguiente bateador Zaandam ta conecta batizo entre left y center pa un tubeyote, empuhando dos carrera. Jossyto Muryale tambe ta sigui cu hit impulsando Zaandam. Despues cu Jossyto a roba segunda, Charles Ponson ta conecta largo fly den centerfield pa out number dos. Muryale ta haci pisciorre pa tercera y ora cu e tiro ta seapa tercera base Maduro Jossyto ta continua te home cu carrera number cuatro di e inning. Harold Jack tambe ta conecta incogible, mientras cu Bardouille ta ricibi base por bola. Esaki tabata tur e accion cu pitcher Sanchez lo a tuma parti aden ya cu e pitcher estelar di Lucky Strike, Selin Swaen ta worde yama pa reemplaza. Robert Ponson ta salude cu un difencil rolling riba e segundo sako, cu Buckley ta busca pero comete error, anotando Jack e quinta carrera di e inning. Den

e mes hugada Ponson ta haci mal coring pa tercera y ta obliga Bardouille hai den corre corre entre home y tercera pa resulta tercer out.

LUCKY STRIKE TA REACCIONA

Den e propio segundo inning, Lucky Strike ta anota su unico tres carteranan. E zurdo Gladman ta habri e inning cu single hit den centerfield. Max Fingal ta conecta identico hit pa pone dos na base. Monart luego ta conecta rolling pa tercera forzando Gladman na e base ey. Schotborgh tambe ta rolata den e mes un direccion, pero Jack ta comete error permitiendone tres na base. Selin Swaen ta conecta luego rolling difencil entre tercera y short cu tabata parece hit, pero shortstop Charles Ponson a haci gran atrapada y forza Monart na tercera base pa e segundo out. Max Fingal a provecha e hugada pa anota e promer carrera di su equipo. E dos corredor nan ta provecha e falta di experiencia di e novato lanzador Guerrero y comodamente ta haci doble robo. Cu corredor na segunda y tercera, Bryan ta conecta rolling pa tercera y Jack ta fildea facilmente, pero ta comete un error mental pisando e cohin di tercera keriendo di haci un out forza. Esaki naturalmente no tabata bon y Bryan a worde acreditado cu un infield hit, anotando Schotborgh. Cu Maduro na bate catcher Jossyto Muryale ta trata di saka Bryan cu a sali di robo, pero e tiro pa segunda ta malo y Swaen ta provecha pa anota e tercer carrera di Lucky Strike. Maduro ainda cu pasage gratis, pero Paus Ruiz ta bira tercer out cu rolling pa primera.

E tres carteranan di Lucky Strike a pone e score 7-3 y a duna e fanatico nan di e equipo aki speranza atrobe. Sinembargo e speranza aki ta keda frustra ora cu Guerrero ta logra dominancia durante e resto di e partido. Den e tercer Max Fingal a bolbe conecta un single contra di Guerrero y esey tabata e ultimo hit cu e toleironan cigarillero a conecta contra di e lanzamientonan di e novato. Asina ta cu Ramoncito Guerrero a lanza seis inning completo sin permiti hit.

Pa segura su victoria Nesbitt a anota dos carrera mas den e septimo inning. Guerrero ta embasa despues di un out cu error di shortstop Bryan Maiky Vos ta sigui cu hit. Rolling di Zaandam pa tercera ta provoca forceout na segunda di Vos. Despues cu Zaandam a roba segunda, Jossyto Muryale ta conecta linea di hit den leftfield empuhando dos companjeronan. Esaknan a pone e score 9-3 na favor di Nesbitt. Charles Ponson luego tambe ta embasa pa infield hit, pero Jack ta cerra e entrada cu fly den left.

Lucky Strike a keda domina pa

pitcher Guerrero y e partido a termina den un victoria pa Nesbitt sin mas cambio dea e anotacion.

Tres lanzador a worde usa pa Lucky Strike. Agumero a permiti un hit, un base por bola. Sanchez a permiti 3 hit y tres base por bola ponchando uno. Swaen cu a termina e partido a permiti ocho hit, regala dos base por bola y propina seis ponche. Lucky Strike tabata erratico ayera mainta cometiendone un total di ocho hit. Pitcher perdedor Agumero. E lanzador di Nesbitt Guerrero a permiti unicamente cuatro sencillo, di cualnan un por tabata un out facil, regula ocho base por bola, poncha nueve y comete un balk. Su equipo a comete tres error.

Pa Lucky Strike esaki ta nan segunda derrota den e actual Torneo, ambo tabata contra di e mes novato, esta Nesbitt.

## RUSONAN TA CONTENTO CU SATELITE AMERICANO

MOSCU. — Segur e profesornan Ruso lo ta contentu pa tende dje bon exito dje profesornan Mericano cu lanzamiento di un satellite, asina e presidente dje Academia Ruso di Ciencias, Dr. Nesmjanof, a declara. El a desea e Mericanonan bon suerte.

Un portavoz di ministerio di astronauta exterior Ruso a recorda un discurso di secretario di partido comunista Chroesjstjef na November di anja pasa, ora cu nan a pidi Chroesjstjef comentario. E lider di partido a bise cu e Sputniknan Ruso ta bira rond di mundo, sperando otro satellite di Merca y di otro pais pa forma cu nan un comunidad di Sputnik. E comunidad aki, e carrera aki lo ta mucho mas mehor cu e carrera di armamentu, asina Chroesjstjef a bise e dia ey.

E noticia di Merca no tabata masha influencia poblacion di Moscu. Riba eua e hendenan tabata duna particularmente comentario ironico. Particularmente tocante e hecho cu e satellite ta ehiquito y no tin masha peso.

Vitali Bronstein, un miembro dje comision Ruso pa e Anja Geofisica, a informa cu e Rusocan lo lanza un tercer satellite. E no a duna fecha cu esaki lo tuma lugar.

## STREANAN ta anuncia awe

Manera di actua ilogico of pomposo den parti di mainta por causa decepcion. Vale la pena keda racional y logico evitando tur loke ta engonioso of ilustorio. Enan cu no ta para pensa por worde lastra pa cosnan falsu cu ta lombra of tendencianan seductivo awe den parti di mardí. Ta masha necesario pa atene completamente na ley, ser honesto y bai cu discrecion, y esei lo evita confusion. Tin hopi chens pa un cambio liter y radical pa mitor pa den laa awe manera cu lo ta algu imposibel.

Sinembargo ta di comprende cu segun oranan tabata pasa i e no tabata tende nada, e tabata birando tur confus.

Porfin porfan e kloknan di toren a anuncia 12 'or di anochi i suspirando Laline a cuminsa ta quita su parja pa bai drumi. De la manera cu miss Vining no a bini auto. I no obstante su intranquilidad, sinembargo Laline a pega un sonjo profundo.

Pero e sonjo aki tabata un dje malunon, pasobra enter su mente tabata jen di pensamentonan espantoso.

Continuamente e carantan feroc i espantoso di dr. Averill i Abel tabata aparece den su bista.

Ora cu el a spierta mainta ya solo tabata alto caba na cielo i tur hende a bai nan trabao caba. Su cabes tabata morde masha tanto. E tabata sinti su mes cansa i fada.

E tension aki despues di tur loke e mester a soporta caba tabata mucho di mas pa Laline su aervionan. Por ta posibel cu e por a queda resisti e siguiente momentonan di speramento inutil? El a mira cu a bira och'or i pura el a bisti su panja.

Ora cu el a yega abao el a bai in; forma cu por a bini carta di telegram p'e, pero nada no a bini cu un resposndi siquiera.

E e camarera di hotel a pautre: "Bo quier desayuna den bo cuarto of abao, senjorita?"

"Tree cu koppi di thee pa mi ariba. Mi n' quier nada mas", el a responde desespera.

"I si mester bini telegram of carta pa mi, larga mi sa esai inmediatamente. Tambe por socede cu un hende bin busca mi".

"Masha bon, miss."

Temblando di su pia te sit cabes Laline tabata sinta ariba den su cuor-

## Cumpleanjos feliz

PA CORTESIA DI

KAN

E MEHOR CAS DI REGALO

E graciosa hobenita Filomena Boekhoudt ta celebra su 6 aniversario awe y e ta ricibi hopi felicitacion di su estimada tata, mama, rumannan, tanta, pepe, onnan, welo y welanan, especialmente su amiguia y amiguitonan di kleuterschool y su juffrouw nan di Paradera y demas familia y conocinan.

E hobenita Brigida Hoeverts ta celebra su cumpleanjos awe y e ta ricibi hopi felicitacion di su tata Buehi, mama Carmel, rumannan Juan, Chela, Henita, Juanita, Domi, Sjome, Rosa,

CADA REGALO TA BONBINI PERO DOBBEL BONBINI TA Un REGALO cumpra serka

KRII

Senior J. E. P. Cabenda a celebra su feliz cumpleanjos y e ta ricibi hopi felicitacion di su esposa Eleuteria, familia Cabenda, familia Becker, familia Mackay, familia Wilson, familia De Cuba, especialmente di su iha Cai Helder y demas familia.

Candido Thiel ta celebra su cumpleanjos y e ta ricibi hopi felicitacion di Gilberto y Olinda Willems, primanan Annie, Betty, Maria, Elsa, especialmente di Magriet Willems.

Sra. Ignacia Croes ta celebra su cumpleanjos y e ta ricibi hopi felicitacion di su esposo, juanan, nieto y nietanan, suero y suegranan, Petra, Rosa Croes, especialmente di familia Croes y demas familia y conocinan.

Ozando Werner ta cumpli 22 anja y e ta ricibi hopi felicitacion di familia Werner, Vrolijk, especialmente su omo y tantanan.

Tambe ta ricibi hopi felicitacion awe Martin Kelly pa motivo di su cumpleanjos pa parti di su tata Hose, mama Anita, rumannan Toni, Juan, Maximino, Hilda, subrinanan Margarita, Pedro, Rubano, especialmente di Cristobal Statie, familia Kelly, Werner y Statie.

Awe ta cumpli 20 anja srta. Sefarina Kock y e ta ricibi hopi felicitacion di su tata Calindio, mama Maria, rumannan, comprometido Augustin Arends, pepenan, Balba, Maria Maduro, omo Alberto.

E simpatica srta. Maria Catharina Semeler ta celebra su cumpleanjos y e ta ricibi felicitacion di su mama, tata, rumannan, Benny, Wawa, Nicolaas, Cornelia, Chobe, prima y primonan, subrinu y subrinanan y su iha Tico.

Sincera felicitacion ta bai pa e gentil caballero Efraim Brigido Barco, kende ta celebra su fecha natal awe, pa parti di su tata Felipe, mama Juliana, rumannan Marco, Simon, Anna, Maria, Carlito, Rudolf, Gilberto, Everaldo y Max, demas familia y amistas.

Beatriz Semeler a celebra su 10 aniversario y e ta ricibi hopi felicitacion di su tata, mama, rumannan, Fela, Willy, Fabi, Maiky, Rudy, welo, welanan, tantanan y omonan.

Awe ta canta happy birthday pa e linda hobenita Violeta Orman kende ta celebra su 4 aniversario, felicitacion ta bai pa parti di su tanta y omonan Pachi, Jovy, Lydia, demas familia Orman, Gomez, Maduro, ta desee hopi anja di bida.

to ta spera quico lo ta su destino. Tabata como si fuera tabata un pida piedra e tabatin den su garganta, pasobra apenas e thee por a pasa. Pa 9 'or e camarera a bini pa drecha cama i barri.

Sinembargo mirando Laline su cara palido i verdiet, e mucha muhe aqai pa complace a hise:

"Senjorita, si acaso awor aqai unhez bo n' ta dispuesto na por sali, anto lo mi bin drecha bo cuarto i bo cama despues."

"Mi n' ta sali unhez", Laline a contesta: "Mi ta spera un conoci di mi aqai i mi no quier hera su bishita". "Precisamente", tabata e contesta carinioso. "Ma caba di tende bo inform pa carta un rato pasa. Tan pronto cu esakinan hini lo mi treee naa pa bo".

"Gracias. Mi quier paga mi cuenta awor. Quizas por socede tambe cu awor mi por bai inmediatamente".

E camarera a bai abao i bise e mucha muhe tras di toonbank: "E malora aya riba na cuarto numero 7 ta pidi pa su recibio. El a bise mi cu e ta spera un...dama". Pero mi ta quere cu ta un...joneuman" lo e ta meen".

(E ta sigui)

No chansa cu bo bista

Wowo, cu ta cansa, tin mester di un bril.

Acudi na un specialist

i laga samina bo wowo!

Cu gusto nos ta yuda bo!

ODUBER & KAN

Opticonan den Nassaustraat No. 47

Pa aviso y tur correspondencia pa "Arubaanse Courant" dirigibo na: Nassaustraat 85, Oranjestad. Telefon 1116. Direccion y Avisos: 2116. Redaccion y Suscripciones: Numero sueto di ARUBAANSE COURANT por worde obteni na San Nicolas na Union Store, Montreal.

AGENDA

Dialuna 3 Februari  
C 1 N E  
DE VEEH 20:30: P'Intje Bevaling, Medelidjend voor de Zouderes RIALTO 20:00: Keys of the Kingdom PRINCIPAL 20:00: P'Intje AURORA 19:30: Gaslight SAVANETA 19:30: Camino de Guanajuato



It is time to call for an  
**Airconditioner**  
ELMAR - TEL. 2170

BOTICA DI WARDIA:  
Botica Aruba  
PARTERAS, ENFERMERAS, etc.  
Dr. M. J. M. Mark, telefon 1557,  
Rondweg 1 Dakota.  
Dr. Braumuller, telefon 1358,  
Nassaustraat 42, Oranjestad.

FORD ANGLIA  
ECURY MOTORS  
ARUBA  
Tel. 1020  
Fis. 2995.—

RADIO KELKBOOM  
457 m. — 455 kc.

11:30 Doria Valandares  
12:00 Lunchmuziek  
12:25 Nieuwsberichten (Veld Store)  
12:45 Musica norteamericana  
12:55 News in a Nutshell  
1:00 Johnny Albino  
1:15 Chachacha  
4:00 Pedro Vargas  
4:30 Programma Winko  
5:00 Programma Winko  
5:30 Alle Hens de Programma  
6:00 Carmen Delia Dipini  
6:15 Cumpleanjos feliz  
6:30 Dinermuziek  
6:45 Charlie Depotiva  
7:00 Nollies (Pap) di Schlitz  
7:15 Trio Calaveras  
7:30 Max van Praet  
7:45 Nieuwsberichten (Veld Store)  
8:00 Musica norteamericana  
8:15 Un Angel sin Corazon  
8:30 Nela Sosa  
9:00-10:00 Peliculas  
VOZ DI ARUBA  
457 m. — 455 kc.

06:00 Apertura  
06:05 Nos oracion di mainta  
06:05 Dushi amancecer na Aruba  
06:15 Viana ta ofrece: Noticianan internacional y local na Ingles  
06:30 Mananfa antilana  
06:45 Valsnan criofo  
07:00 Canciones de amor dedica na oyen-  
tenan na exterior  
07:15 Selection di disman di mas peticion  
07:30 Saludos musical di Linaar  
07:45 Melodias maitales  
07:58 Bo chacha ta favorita  
08:00 Clausura  
10:25 Repertur  
10:30 Mananfa Alegre  
11:00 Palais Royal ta ofrece:  
Philips hit Parade  
11:30 Baardie Trading ta ofrece  
Melodias Antiel  
12:00 E gong di disdos or  
12:01 Musica di nos discoteca Hulanen  
12:05 Musica di nos discoteca Hulanen  
12:30 Selection musical di mardí  
12:50 Viana ta ofrece: Noticianan local y  
internacional na idioma Papiamentu  
13:15 Nola antilanas  
13:30 Melto cante e me radio  
13:40 Procter & Gamble ta presenta:  
Sergio Velasquez acusa  
13:58 Dr. Fuhrmann ta ofrece:  
Bo concierio diario  
15:00 Complacencias Super Crema  
15:30 Procter & Gamble ta presenta:  
Ty no eres mi madre  
15:50 Ecos de Argentina  
16:00 A. M. Lacle ta presenta:  
Complacencias de Copas  
17:00 Alardeer melicano  
17:15 Variedad musical  
17:30 Hora infantil  
17:30 Fiesta de ritmo  
18:00 Mario S. Arends ta presenta:  
Caravan d i medias populares  
18:30 Mansur Trading Co. ta presenta:  
Cetali musical di P.A.G.  
19:00 Edo de la Cruz ta presenta:  
Charlie Depotiva Easo  
19:15 Melodias popular  
19:30 Viana bledi U: Internacional en  
Local Nieuws in het Engels  
19:45 Arubaanse Muziekschool  
o.l.v. Rien Hasselaar  
20:00 Viana bledi U: Internationaal en  
Local Nieuws in het Papiaments  
20:15 Variedad Musical  
20:30 Chate-Palmyre ta presenta:  
"La Mujer de aquella noche"  
20:58 Un Nola Antilana  
21:00 Simon Antilano  
21:15 Hutspotpourri i peliculas  
22:00 Goodnight sweetheart  
22:50 Clausura

Un aparato de television  
EMERSON  
ta dunabo inhor reception den  
sonida y imagen.  
Agente:  
MARIO S. ARENDS N.V.

RADIO CARACAS TELEVISION

Canales 4, 7 y 10

7:15 am. Marcha oficial  
7:27 Informacion sobre los programas  
de la noche

7:30 Lo de hoy  
9:30 Pelicula  
11:00 Cita a las once  
12:00 Show de las doce  
1:15 Nola Palmolive  
1:30 Noticiero del mediodia  
2:00 Pelicula  
4:00 Club femenino  
5:30 Conas de mujeres  
5:30 La perfecta ama de casa  
6:00 Cortes  
6:15 Circo en el aire  
6:30 Cortes  
6:45 Trifolito y Tobustiana  
7:00 Charlo  
7:15 Nola Unico  
7:30 Love Life  
8:00 El Observador (Creole  
8:15 Anecdotal  
8:45 Cortes  
9:00 Nola Camay  
9:15 Nola L&M  
10:15 Teatro del huncs  
11:15 Marcha oficial

y... MESKER ta drecha  
mi MEUBELNAN

REBELION NA RUSIA  
PRONTO?

LONDEN. — E corant Ingles "Sun-  
day Express" a informa cu for di  
noticia secreto ricibi na Londen a  
resulta cu e Rusonan, quende tin  
miedu cu lo bini un rebelion na Ru-  
mania manera esun na Hungría, a  
duna orden pa larga algu cambio  
importante di trupa tuma lugar na  
Rumanía y na fronteranan di e pais.

Aparentemente causa di e miedu  
dje Rusonan ta e resistencia dje cam-  
pionnan Rumanes contra aplicacion  
mas severo dje sistema di e linanan  
colectivo.

**Oduber & Kan inc.**  
**Opticians tel. 2193**

TA PRESENTA

**Pa su motibo**

pa Tuyuchi

No. 38

Despues di un rato Laline a bin hanje dilanti e camina anehu, cu tabata dirigie na un ciudad ehiquito. Diripiente el a pensa riba e plannan di Harcourt, pa e usa dos auto durante su viaje i asina bruhá su persiguidor nan.

Pa casualidad eberdad el a bin hanja un auto bashi i el a grita e chauffeur: "Mi mester bai na un luga mitar camina di Coventry".

"Asina", e homber a bise: "pero bo n' sa number drechi dje camina. Bo tin por ehemplo Coleshill i Bedworth".

"Ahan... si, ta Bedworth e luga ta", el a hiza gejaag. "Hiba mi aya mas pronto posibel. Por favor".

"Masha bon. Senjorita. Pero e ta un ben pida distancia i mi n' por haci e careda aqai pa menos cu 10 chilin".

"Wel, lo mi duna bo 12 chilin mas basta bo bai full-speed". Laline a bise mientras el a entrega e chauffeur e placa, quende gustosamente a ti-

di un cuarto aya, a cuminsa ta bira seur, pero despues el a hanja mas animo. Den enter e multitud ai e mester por tabata salvo. E mester a manda un telegram pa miss Vining i tambe e quier a haci algun compra masha urgente.

Luego el a dieidi di skirbi un carta largo na su gouvvernante i spera. I lo tabata terrible, si mester a socede cu miss Vining no tabata na Maiden Vale mas.

Tan pronto cu el a regresa trobe na hotel el a cuminsa skirbi su carta largo, den cual el a derrama i deshoja su curazon pa e gouvvernante.

I mientras e tabata skirbi e tabata corda cu un sonrisa feliz riba su cara na e amigo asina sincero i eaballeresco di dje cu ta Dudley Harcourt, cu desinteresadamente a yude den tur cos. I den su mes Laline tabata pensa cu un sentimiento stranjo: "Si en realidad, te m'es ta mi caballero, e heroe di mi ensuejonan".

Awor e tabata skirbi e carta largo respectu enter su bida i e sistema cu nan ta biba den e cas sombrio di dr. Averill cu ta parece mas un prision cu un luga pa hende biba.

Anto el a cuminsa su carta di tal manera:

"Mi tin sigur cu tin un misterio di calamidad ta reina na e luga aqai indubablemente. I mi mes tambe ta relaciona den e asunto aqai. Si no t'asina, anto ta paquico nan ta cerra mi semannan largo den un cel tras di slotnan grandi i grendel na porta. Cualquier persona menos salud cu mi of cu tin un constitucion debil lo a muri sigur di ansia of hira loco di tormento. Un dia m'a hira manera loco i m'a zundra dr. Averill masha pisa den su cara i m'a bise tambe loke mi ta pensa di su persona. I hama lo mi por lubida con-

su cara a transfigura bira manera di un criminal, un elemento infernal. Mi ta quere cu ni Satanás lo no por tabata mas peor cu e homber aqai. Su cara satanica ta persigui mi continuamente den mi sonjonan. El a cohe mi polsanan primi hera di quibra mi wesunan i el a maldiciona mi i pa castigo m'a queda hanja un semman largo di pam cu awa. Mi tabata di opinion como si fuera mi tabata e unico muhe aqai, pero m'a yega di tende un bishita un stem di muhe. Den dia ta mas sileneoso cu den santana i ta solamente Abel Jones hende sa tende.

Esaki ta propiamente ayudante di dr. Averill, pero den varios ocasion ta parece manera t'e mes ta maestro. Anochi mi sa mira aqai i aya luznan misterioso ta cende den e patio i mi ta tende siemman stranjo di hombernan ta discuti.

Mi ta quere cu tabata yegando ocasion pa nan asesina mi i esai lo a socede sigur si acaso Sr. Harcourt no a bin yuda mi i salba mi na tempo. E ta un abogado di Londen i el a bise mi cu e tin aindá su proceder ta ilegal.

Pues bo ta mira anto cuanto lo mi mester di bo asistencia. Ta bo sol t'e unico persona cu por descubri mi misterio di mi pasado".

Despues cu el a caba di post e carta a cuminsa e cos di mas peor i e tabata caba asina tanto cu su pacienchi cu ta e speramento riba contesta.

Quizas tambe por a socede cu miss Vining lo a ricibi su telegram for mainta tempran, pero cu mas prudencia lo el a warda te anochi pa e bini buske of bin drumi na hotel cerca



# EL CISCO KID

Por José Salinas  
y Rod Reed



F' nuiher ta bisa Seti su esposo pa nan bai di ei, pero e humber ta bisa ningu hende no ta pone mi salí di aki, mi no ta duna gana Martha asina e ta bisa, e muiher ta bisa nos ta bai maña tempran cuminsa pak e poco cos nan cu nos tin, e ora ei Cisco ta cai aden y e ta bisa, no tur hende ta mal hende aki, bosonan lo tin

bon suerte, e muiher ta contesta bisa kiko bo kier senyor, pero no ta boso cas nan a kima, cuminsa pak e cosnan Seti, e humber ta bisa aia.

Y riba un cetra basta halto e soubra negra ta para ta waak tur loka ta sosode.

## COMPERE CHINTO



Tom Richardson, detective di fama mundial  
**E JOYANAN DJE RADJA**  
Pa TUYUCHI.

„Don e vestido ai e banguero no ta haci su mes algun ilusion”. Richardson a responde, na su turno.

Te aqur e entrevista a termina, mientras e mienar cu tabata siati masha duele cu el a perde su joyanan, a tuma despedida di Richardson na un manera menos amistoso. Despues di esaki e detective a handena e dek di paseo.

E captain a comida Richardson di bin desayuna cu'e cual suplica gustosamente el a acepta mes ora.

Nan a tuma parti na un mesa bon drecha; e steward a maada tur sorio di platonan, cualnan ta prepara cu di mas grandi cuidao, anto nos maestro cu tabatin un gran apetit, a haci bon uso di e platonan aqui ofreci.

Sin embargo tabata un momento corto i ambos humber no tabatin ocasion na papia mucho cu otro. Por fin e captain a leun atras den su stul di sosiego i a bisa:

„I contami awor, digno senyor, quico propiamente a pasa den cas di Director di banco?”

„Cu mucho gusto lo mi quier complacere bo. Pero larga mi confia bo primeramente como persona di confianza na bisa bo cu mi no ta poliz?”

„E captain a bula lanta”.

„Quico? Bo n' ta poliz? Pero ta quico bo ta anto?”.

„Mi ta detective, Tom Richardson”.

E captain a queda manera ta Marco a dal'e un bolita. E quier a limita para, pero a zak unbez trobe den su stul.

„Tom Richardson?” el a grita apasiona.

„Ta parce mi manera mi nomber ya ta conoci eaba pa bo”, e detective a bisa sonriendo i a queda ta mira e captain.

„E nomber aqui n'a tende miles bez menciona tanto na boca di hende como por escrito den periodiconan. Miles bez nu a admira bo heehonan asombroso i mi a goza bo exitonan. Si mi por a holer sa cu meimei di lamar ganchu lo mi por a hanja bishita di e humber di mas grandi di New York, anto.... Larga nos bebe un

## CARNAVAL NA ARUBA

Continuacion di pag. 1

lie Morales kende a organisa tur cos y a haci e anuncionan di su manera tan alegre.

Parce cu e baile di Diasabra no tabata suficiente pasobra Diadomingo merdia banda di un or e fiesta a sigui atrobe cu e culminacion den coronacion di Joan pa cine'or door di Jack Friel di Industrial Relations Dept. di Lago.

Serca Federation

Tambe den Federation Club car-

naval a worde celebra exuberantemente y aki tambe poco despues di diesdos or Sr. Rosendo Flaun a anuncia na Ingles y Jacinto Diaz na Papiamentu cu Elma Canwood ta e prome Miss Labour di e Club. Ela hanja 6.950 votos. Den di 2, 3 y 4 posicion a finaliza Aida Jansen cu 6.686, Thelma Martinez cu 4.200 y Raquel Brown cu 4.400. Ayera noch e coronacion a tuma lugar cu a worde efectua door di Prins Carnaval Reginald I.

Por lo demas...

Diasabra por lo demas tambe e decision a eidi den Commandeursbaai Club na Savaneta, cu despues di a keda ketu durante di eisi dos anja. Diasabra anochi di repente a bolhe yen di hida. E comision di carnaval bao di presidencia di Nicolaas de Cuba a haci un famoso trahao ei. Aki nan no a sigui e sistema di benderamento di votos, pero cada hende cu a hishita e liestanan di carnaval ta hanja pa entrada un papel pa vota. E mayoria di votos a bai pa Nicomeda Almaru cu 178 votos, Annie de Cuba e runnerup a hanja 134 y Ofelia Henriquez 133. Coronacion lo tuma lugar na Savaneta dia 8 awor despues di eleccion den Stadion.

Na Santa Cruz tabata den Trappers Club Diasabra anochi e centro di e festividadnan y tabatin halto eie ta lat den maña. E nomber di e Reina di Carnaval di Trappers 1958 te banda di dos or a worde anuncia y a resulta cu ta Angelica Thiel kende durante e dianan venidero lo ta acompanya di Reina Simpatia Anna Maria Croes y Miss Trappers Isolina Croes. Angelica ta un dje competidoran fuerte pa dia 8, y e nes lo worde corona dia 9 di Februari. President di e jury di Trappers tabata Sr. Calton Leijer.

Habrak Boys pa cerra e careda di eleccionnan tambe a elegi su Reina. A sali electo Matilde Boekhoudt, kende Diasabra anochi lo ta presente den stadion como Reina di Carnaval di Aruba Royal Club. Miss Royal a worde escohe Tine Zambrano. Aki tambe Diasabra anochi despues di e actonan den stadion, Matilde lo worde corona den su Club.

## Cumpleanjos feliz

Tambe ta ricibi hopi felicitacion awe e caballero Hipolito Stamper y e ta ricibi hopi felicitacion di su amigonan y amiganan.

Hopi felicitacion ta bai awe pa e hobencito Fivaldo Hipolito Bereno, kende ta celebra su cumpleanjos pa parti di su tata Felipe, mama Juliana, rumannan, demas familia y conocirnan.

Awe ta cumpli 2 anja e chikita Eda v.d. Biezen y e ta ricibi hopi felicitacion di su tata Mario, mama Rosa, rumannan, welo, wela, prima, primona, especialmente di su padrino y madrina.


E caballero Selerino Kelly kende ta celebra su cumpleanjos ta ricibi felicitacion di su tata, mama, rumannan, amigo y amigatran.

Tambe ta ricibi hopi felicitacion srta. Clara Wester kende ta celebra su feliz cumpleanjos pa parti di su mama, Dilia, tata Jan Wester, rumannan, amigonan y demas familia Wester.

**CASHI DI CUSHINA**  
TEXAS FURNITURE STORE  
Emmestraat 5 - Tel. 1082 - 1083


Sra. Selerina Candida Franken ta celebra su fecha natal y e ta ricibi hopi felicitacion di su esposo, 11 Juan Marilia, Fla. Aura, Lita, Meua, Do, y tur e otro rumannan.

## DIA DI BISHITA ABORDO



Ayer tardi e publico di Aruba tabatin ocasion di bai tira un bista abordo di e destroyer Ingles „Dainty” cu actualmente ta den haaf di Oranjestad. E cajonnan tabata yama masha atencion!

## COCKTAIL PARTY ABORDO HMS „DAINTY”



Esaki ta un bista durante dje recepcion cu tabatin Diabierne anochi abordo dje torpedobootjager Ingles „Dainty” cu e weekend u bishita Aruba. Henter e voordek tabata arregla pa e bishitanan cu un bar, lampion y hulsnan di granaat cu ta lombra tabata worde usa como ceniceros. Tabatin hopi pasaboca y drinks sabroso y na cantidad, pa e bishitanan y ta di comprende cu e party a dura basta mas cu e ora oficial pe termina. Awe noch na cas di Consul Ingles na Aruba, Sr. D. Lees, na Lloyd G. Smiththolvard lo tin un recepcion pa invitados.

## MATRIMONIO DEL DIA



Diasabra a dreña enlace matrimonial Sita. Evelyn de Miranda, jiu muher di e fotografo J. L. de Miranda den Nassaustraat y for di su regreso foi Hulanda e ta verpleegster den servicio di gobierno, y Dr R. Ball, especialista di muchu na Aruba. Durante di e recepcion masha atendi na saca e foto aki riba y e pareha cu pa 11 or ya a bai cu avion Jamaica pa nan luna di miel, huntu cu nan testigonan: na robes ta e cabes di Gezondheidsdienst Dr. D. A. Bijl y na drechi ta e rumen muher mas chikito di e bruid, Jacqueline.

## Leso: ARUBAANSCH COURANT

## PEPITA

Por CHIC YOUNG



Pepita ta sinta masha satisfeco ta trabando un breiwerk i Lorenzo a jega para anto e la pindie si bo tin di casa atrobe lo bo elegimi i Pepita masha contento ta conteste, mesora.

Y Lorenzo ta bolhe puntra pero e casa ta manera un poco strango i ainda bo ta stima mi manera e dia cu nos a casa?

Mi bez mas cu e tempo aja i Elmer e cacho ta sinta cu un cara masha contento ta waak.

Djei ata un hende na porta y Lorenzo a habri e porta mien-

tras e ta bisa si bo bolhe casa cu mi anto bo kier mi mas cu dia nos a casa.

Y e dama tabatin un boeki den su man den cual e ta scribi algun noticia. Ora e ta caba scribi Lorenzo a bin bon contento paden mientras e ta seude su pipa y e ta bisa un persona interesada ta haciendo un nota na cada cas. Y Pepita ta keda weta strango pesel tur e puntramento nan e i di Lorenzo.

## Dennis, de Schrik van de Buurt



Ik geloof dat ik U niet heb gehoord de eerste keer dat U mij heeft geroepen. Ik liep harder dan het geluid.  
Mi ta quere cu mi n' tende bo prome biah cu b'a jama mi.  
Ma tabata corre mas duro cu e sonido.